

後村千家詩

五

十九



分門纂類唐宋時賢千家詩選卷第十八

後村先生編集

音樂門

箏

附笙
羯鼓

唐賢箏

李端

鳴箏金粟柱繁手玉房前欲得周郎顧時時誤拂絃

又

張祐

十指纖纖玉筍紅鴈行輕過翠絃中分明自說長城苦
水咽雲寒一夜風

聽鄰人吹笙

郎士元

鳳吹聲如隔采霞不知牆外是誰家重門深鎖無尋處
疑有碧桃千樹花

羯鼓

崔道融

華清宮裏打撩聲供奉絲簧束手聽寂寞鑾輿斜谷裏
是誰番得雨淋鈴

笛

附 聞笛

唐賢 笛

回樂峰前沙似雪受降城外月如霜不知何處吹蘆管
一夜征人苦望鄉

宋賢

又

范太史

鳳食實已美龍吟聲更奇惜無蔡邕識那得馬融吹

又

朱淑真

誰家吹笛弄輕清喚起離人枕上情自是斷腸聽不得
非干吹出斷腸聲

時賢

胡笛

呂紫微

胡人吹短笛一半是離聲想得南飛鴈雲間亦厭聽
笛

劉後村二首

誰家吹笛畫樓中斷續聲隨斷續風響遏行雲橫碧落
清和冷月到簾櫳興來三弄有桓子賦就一篇懷馬融
曲罷不知人在否餘音嘹唳尚飄空

又

孫郎痛飲橫長笛玉雪曾標鐵石顏解噴清香飛座上
能呼涼月出雲間病瘡凍馬嘶荒塞失侶窮猿叫亂山
可惜調高無聽者紫髯白盡鬢毛班

又

李梅亭

何處桓伊酒力雄分明嚼微更舍宮倚樓三弄西風急
不覺梅花太半空

聞笛

劉後村二首

少年裘馬宴秋風笛起連營響裂空今夕夢回村野館
一枝孤奏月明中

又

初如廢將哭窮邊又似孤臣訴左遷何必謝公雙淚落
野人聽罷亦淒然

角

附 聞笛

唐賢 角

武元衡

胡兒吹角漢城頭月皎霜寒大漠秋三奏未終天便曉
何人不起望鄉愁

又

何處金笳月裏悲悠悠邊客夢先知單于城上關山曲
今日中原總解吹

又

李涉

江城吹角水茫茫曲引邊聲怨思長驚起暮天沙上鴈
海門斜去兩三行

又

李益

邊霜昨夜墮關榆吹角當城片月孤無限塞鴻飛北渡
秋風吹入小單于

時賢

又

華岳

畫角梅花吸曉寒數聲清徹碧雲端誰知有客愁無寐
一掬鄉心不柰酸

聞笛

劉吉父

戍鼓停撾月五更嗚嗚巧作斷腸聲江南自是春來早
吹到梅花夢也清

鐘

附 晚鐘

時賢

晚鐘

趙福元

花洲人別月涼船煙寺寒鯨隔岸聞帶雨一聲天外落
過江穿破半山雲

砧

時賢

砧

秋天瑟瑟月漫漫月白天清玉露寒始向松中縈素練
閑來機上製齊紈

砧

趙崇森

誰家夜月響秋砧一段清愁不自禁況是客中欹枕聽
聲聲擣碎故鄉心

鞦韆

唐賢 鞦韆

沈存中

香入熏爐禁火天芙蓉深苑鬪鞦韆身輕幾欲隨風去
却恨恩深不得仙

宋賢 又

洪覺範

畫架雙裁翠絡偏佳人春戲小樓前飄揚血色裙拖地
斷送玉容人上天花板潤露紅杏雨絲繩斜擘綠楊煙
下來閑處從容立疑是蟾宮降謫仙

打球

宋賢 打球

晁景遷

閶闔千門萬戶開二郎沈醉打球回九齡已老韓休死
無復明朝諫疏來

分門纂類唐宋時賢千家詩選卷第十八

十一月二十六日校

棟亭藏本丙戌九月
重刻于揚州博覽

上三行

分門纂類唐宋時賢千家詩選卷第十九

後村先生編集

禽獸門

鶯

唐賢 鶯

韓昌黎

早晚飛來入錦城誰人教解百般鳴
春風紅樹驚眠處似妒歌童作豔聲

宋賢 鶯

李泰伯

纔轉歌喉碧樹枝驚飛還避巧丸兒
可憐蜂蝶無言語

入徧花房人未知

又

朱淑真

野花啼鳥喜新晴湖上波光漾日明底事傷春心緒懶
不堪愁裏聽鶯聲

時賢 又

楊誠齋

仰聽金衣語偶窺鶯婦巢深穿喬木裏危挂弱枝梢啄
抱雙雙子經營寸寸茅何時雛脫殼新哢響交交

又

劉後村

擲柳遷喬大有情交交時作弄機聲洛陽三月花如錦
多少工夫織得成

又

危 稹

入疑久之誤

天上金衣侶還能既草萊風流晉王謝言語漢鄒枚公
等又安在今從何處來山禽正嘈雜慰我數徘徊

又

白玉蟾

踏折海棠花一枝一枝花露濕金衣捎將粉蝶直飛去
却在綠楊深處啼

燕

唐賢 燕

司空圖

海燕頻來去西人獨滯留天邊又相送腸斷故園秋

又

劉禹錫

朱雀橋邊野草花烏衣巷口夕陽斜舊時王謝堂前燕

飛入尋常百姓家

宗賢

又

李誠之

燕子知時節還從舊宇歸新人方按曲不許傍簾飛

又

彭汝礪

一雙掠水燕來初萬點飛花社雨餘辛苦成巢君勿笑
從來吾亦愛吾廬

時賢

又

劉後村

曾客烏衣看落花春風吹影傍天涯茅簷亦有安巢地
何必王家與謝家

又

白玉蟾

新巢故國兩依依似與春花秋葉期雨過池塘得泥迹

日高臺榭捲簾遲鞦韆節後初相見被禊人歸有所思
雙侶多情擬憑仗小箋封就碧雲詩

又

戴石屏

聞說烏衣國祗連海上村春來避霜雪秋去長兒孫華
屋語如訴故巢多不存雙飛恨幽獨紅袖有啼痕

百舌

宗賢

百舌

張芸叟

學盡百禽語終無自己聲深山喬木底緘口過平生

時賢

又

潘紫巖

問渠得似山間日猶自筠籠叫不停我亦多言私自省

再三守口要如瓶

代百舌荅

禍福無門未可憑
天教有口可無聲
莫嫌口解為身累
鴈不能鳴反自烹

子規

唐賢 子規

羅 鄴

蜀魄千年尚怨誰
聲聲啼血向花枝
滿山明月東風夜
正是愁人不寐時

又

韓昌黎

喚起窗全曙
催歸日未西
無心花裏鳥
更與盡情啼

宋賢 子規

范文正公

夜入翠煙啼
晝尋芳樹飛
春山無限好
這道不如歸

又

劉延世

一聲迸裂青山竹
半夜露殘病客衣
還道離於天上去
不知何苦只思歸

又

劉蕭仲

深藏密葉人難見
斷送春光夢一空
啼後血流成底事
只應都作映山紅

又

趙希逢

鶯聲日沸笙歌奏
富貴春光別一家
惟有不如歸去好
夜深和月在梨花

又

暮春春已晚不見子規飛莫是無歸處山禽不勸歸
時賢 好規

陳叔易

白玉蟾

綠柳陰中問子規勸人歸是勸春歸人須回首春須暮
何不成都西去飛

又

劉後村

一聲聲勸人歸去啼血江南幾樹花我被微官拘束在
汝緣何事不歸家

又

潘紫巖

一聲啼破萬山雲我正思歸自喜聞莫向貴人庭樹下
王孫金彈不饒君

鴈

附 孤鴈 鴈陣

唐賢 鴈

羅 鄴

早背胡霜過戍樓又隨寒日下汀洲江南江北多離別
忍報年年兩地愁

又

暮天新鴈起汀洲紅蓼花開水國秋想得故園今夜月
幾人相憶在江樓

又

周弘正

南思洞庭水北想鴈門關稻梁俱可戀飛去復飛還

孤鴈

崔 塗

幾行歸塞盡念爾獨何之暮雨相呼失寒塘欲下遲浦
雲低暗度夜月照相隨未必逢矰繳孤飛自可疑

又

杜子美

孤鴈不飲啄飛鳴猶念羣誰憐一片影相失萬重雲

宋賢 鴈

王逢 鴈

朔磧雲昏失舊行心驚漢月忽騫翔江南水闊無天地
漠北沙寒有雪霜遠目送飛沈暮靄西風吹影過斜陽
行南未到歸何日始信張羅近稻梁

又

曹 緯

雲飛水宿過炎涼回想來時道路長夜月照驚惟弔影
朔風吹斷不成行人間無處逃矰繳歲晚何曾飽稻梁

儻以能鳴免烹死繫書猶可到衡陽

又

陳師君

來往違寒暑飛鳴在稻梁未知溟海大不肖過衡陽

時賢 鴈陣

劉後村

出塞行行如出戰銜蘆寂寂類銜枚平沙夜宿排形勢
誰為玉帛師破得來

又

白玉蟾

幾是霜翎巢白草數行雲足篆青冥方將寄字來蒼雪
莫便翻身過洞庭

鵲

宋賢 鵲

朱淑真

牆頭花外說新晴撥去閑愁著耳聽青鳥已承雲信息
預先來報兩三聲

時賢

又

劉後村

久不聞烏鵲朝來噪不休殊鄉無喜事應為買歸舟

又

趙崇嶠

恨殺庭前鵲難憑卜遠期朝朝來報喜誤妾畫雙眉

又 肥沙

潘紫巖二首

石坡泥淺無蟲蚓小竹纔高一尺餘獨自行行無可啄
低頭努嘴欲何如

又 灑翅

揀盡南枝與北枝風吹霜竹葉還稀旁人憂喜非吾事
且自梳翎向落暉

鴛鴦

唐賢 鴛鴦

李商隱

雌去雄飛萬里天雲羅滿眼淚潛然不須長結風波願
鏢向金籠始兩全

又

劉禹錫

落水橋邊春日斜碧流輕淺見瓊沙無端陌上狂風急
驚起鴛鴦出浪花

鷺

唐賢 鷺

杜牧之

雪衣雪髮青玉觜羣捕魚兒溪影中驚飛遠映碧山去
一樹梨花落晚空

宗賢 又

徐靈祐

一點白如雪頂黏絲數莖沙邊行有跡空外過無聲高
柳巢方穩危灘立不驚每看閑意思漁父是前生

時賢 又

李春伯

春暗汀洲杜若香風飄公子白霓裳碧天片雪忽飛去
何處人家水滿塘

鶴

時賢 鶴

潘紫岩

愛此長身客終朝款我扉雖然無祿位亦自有裳衣料
少梅堪伴身臞竹可依會令生羽翼放爾入雲飛

病鶴

汝亦如吾病蹒跚不得飛最防苔蘚滑休羨稻粱肥落
日沈砂頂西風剪縞衣江湖秋色早莫待夜深歸

鶴雛

裳衣多縞頂才丹正立精神照座間莫恨長身無伴侶
欄陰稚子已班班

又

隱得喬君臨別語許分孤鶴伴棲遲要圓衣縞裳立夢
休賦頂丹翎白詩竹外籠寬嗟得所瓶中料足不憂飢
遙知側睨無誰色自是鳴陰必和之

百禽

附 鳳 鳥 鷓鴣 翡翠 鷗
孔雀 鷗 鴻鴈 鵬 鶴

唐賢 鳳

滕潛

飲啄蓬山最上頭和煙飛下禁城秋曾將弄玉歸雲去
金翻斜開十二樓

鳥

李義府

日裏颺朝彩琴中伴夜啼上林如許樹不借一枝棲

宗賢 鷓鴣

劉延世

冥冥花朵隔遙山脉脉風煙暗百蠻曾向黃陵嘲竹裏
羽毛猶帶淚痕斑

又

黃山谷

山雌之弟竹雞兄乍入雞籠便且驚此鳥為公行不得
報晴報雨總同聲

翡翠

劉延世

避人忽起鳴衣桁掠水飛來立釣磯靜處欲留看不足
翠光點破夕陽歸

鷗

夏英公

海鴈橋邊春水深畧無塵土到花陰忘機不管人知否

自有沙鷗信此心

時賢 黃雀

戴石屏

披綿爭啄晚禾秋羣起森然網自投一飽等閑輸性命
知機萬不及沙鷗

孔雀

劉後村

初來毛羽錦青葱今與家雞飲啄同童子有時偷剪翅
主人常日少開籠嶠南歲月幽囚裏隴右山川夢寐中
因笑世間真贗錯繡身翻得上屏風

鵬

劉後村

背負青霄翅若雲圖南志氣早朝伸關山不隔翱翔路
直向天衢問去津

鶴

劉後村

衣縞裳玄欠頂丹斜陽來此立相看莫誇生子高巢上
必竟青山去較安

鷗

華岳

隨潮鷗鳥往來頻百十為羣立水濱多怪朝來無一箇
高飛想是避漁人

馬

附 老馬
馬過橋

唐君 馬

唐太宗二首

駿骨飲長涇奔流灑絡纓細紋連噴聚亂行遶蹄縈

馬過橋

水光鞍上側馬影溜中橫翻似天池裏騰波龍種生

馬

唐德宗

鴛鴦赭白齒新齊晚日花開放碧蹄玉勒乍回初噴沫
金鞭欲下不成嘶

時賢

又

劉後村

脊瘡蹄蹇瘦闌干火印年深字已漫野澗有冰朝洗怯
破坊無壁夜嘶寒身同退卒支殘料眼見新駒躍雪鞍
昔走塞垣如抹電安知末路世間難

猫

附 猫捕燕

宋賢 猫

歐陽永叔

近來鼠輩欺猫打死甕敲盆攪夜眠聞道狸奴生數子
買魚穿柳聘寒蟬

又

裏鹽迎得小狸奴盡護山房萬卷書慙媿家貧資俸薄
寒無羶坐食無魚

時賢

猫捕燕

劉後村

文采如彪氣若羆畫堂巧伺燕雛微梁空賓客來俱訝
巢破雌雄去不歸鶯喚深籠防鷲性蝶飛高樹遠危機
主人寘在毛羶上飽臥徐行自養威

雞

宋賢 朝雞

新

宋景文

雕籠摧羽就羈縻
心識時朝候不迷
羣鶴在軒皆有祿
夫君何事獨先啼

時賢 雞

劉後村

絳幘昂然韻節清
不因風雨廢長鳴
初聞煙岫猶銜月
久聽山城漸殺更
驚起征夫茅店睡
喚回老將玉關情
年來無復中宵舞
自笑功名一念輕

上堂三行

分門纂類唐宋時賢千家詩選卷第十九

十一月二十六日午刻校

棟亭藏本丙戌九月
重刻于揚州懷院

分門纂類唐宋時賢千家詩選卷第二十

後村先生編集

昆虫門

蜂

時賢 蜂

劉後村

蜜口喧春好信通為花評品嫁東風香鬚黏得飛英去
疑是纏頭利市紅

又

潘紫巖

今歲分成第幾房剝松為屋蜜為糧門臨花圃身長逸

架近松窗蠟漸香長日去憑雙翅遠有時淡染半腰黃
西園風雨無堪採待得天晴出未忙

蝶

唐賢 蝶

李商隱

長眉畫了繡簾開此日行收白玉臺為問翠釵釵上鳳
不知香額為誰回

宋賢 蝶

劉 燾

聚作黎梢白輕爭柳絮狂夜來花裏宿通體牡丹香

又

宋景文

撲粉曾過宋玉牆一身生計託流芳不須長結東風願

秋菊春蘭各有香

時賢 又

楊誠齋

籬落疎疎一徑深樹頭先綠未成陰兒童急走追黃蝶
飛入菜花無處尋

又

劉後村

東皇頒節下天階那得香魂入夢來十道風光都採訪
相逢只欠驛邊梅

又

葉嗣宗

銀為鬚翅玉為肌驅役春風不解肥桃李上林無分到
可憐只傍菜花飛

蟬

唐賢 蟬

趙嘏

噪蟬聲亂日初曛
絃管樓中永不聞
獨柰愁人數莖髮
故園秋隔五湖雲

時賢 秋蟬

范石湖

斷角斜陽觸處愁
長亭搔首晚悠悠
世間最有蟬堪恨
送盡行人送盡秋

蟬

葉豈潛

柳邊曉立看蟲蛻
化作風餐露宿身
林靜晝長吟不絕
騷騷清苦似詩人

又

李梅亭

露滿枯腸蛻頓輕
山林那有不平鳴
薰絃寂寞無人續
故揖清風作頌聲

又

潘紫巖

秋事遽如許
空山夜已蟬多吟
清露底偏傍竹籬
邊翼似霜餘葉聲
如雨後泉兒曹
讀書罷貪聽不成眠

昆虫

附 蛭 螢 蜘蛛 蛙 蟻

唐賢 螢

羅鄴

水殿清秋玉宇開
飛光千點去還來
無風無月長門夜
頻到堦前點綠苔

時賢

蠶

得夜不韜藏飛星亂草堂塘都緣光影誤無路出書囊

蛩

范石湖

壁下秋蟲語一蛩鳴獨雄自然遭踣捕窘束入雕籠

蜘蛛

范石湖

靜看簷蛛結網低無端妨礙小蟲飛蜻蜓倒挂蜂兒窘
催喚山童為解圍

蜘蛛

徐元杰

倦倚欄干小院東蜘蛛驚雀墮虛空細看縷縷挂枝上
旋復絲絲收腹中偶爾得生誠險道幸而不墜賴無風
如何薄相纔安迹便欲經營網眾蟲

紅蛛

王懼軒

空裏遊絲十丈長直垂一顆絳紗囊儂無喜事何須爾
往報槐花舉子忙

蛙

吳規父

斂藏鼓吹寂無言踣跳何曾離草根舉世盡貪生處樂
坎中應自有乾坤

蟻

劉後村

穴蟻能防患常於未雨移聚如營洛日散似去邠時斷
續緣高壁周遭避淺池誰為謀國者見事反傷遲

蚊

附 麾蚊

宋賢 蚊

韓子蒼

物微深可憫畏雨復兼風適見傳呼寵俄成撲地空

時賢 蚊

趙福元

隱隱雷聲語暮天欺風偷到玉堂前紗幮浸月涼如水
贏得珠鈿臂上眠

又

宋謙父

朋比趨炎態度輕禦人口給屢憎人雖然暗裏能鑽刺
貪不知幾竟殺身

麾蚊

李梅亭三首

煙驅扇擊手顛搨柰爾傳呼又滿衙我醉不眠君不去
下帷高枕任譴譁

又

專腸觜距利如錐自恃平生貪肉肥褒姒長將烽燧舉
文孫文子欲安歸

烘蚊

磨牙吮血走羣虜那得無饜襲我牀碌碌火攻雖下策
鞠囚有詔請君嘗

蠶

時賢

蠶

范石湖

百沸縹湯雪湧波縹湯嘈噴雨鳴蓑桑姑盆手交相賀
綿繭無多線繭多

又

盧梅坡

春蠶運巧起經綸底事周防反殺身鼎鑊如歸緣報主
羞他肥祿避危人

蠶婦

戴石屏

荷君問訊蠶家事此是婦人辛苦媒典盡衣裳酬葉價
忙無心緒向妝臺繰聲未斷機聲續私債未還官債催
織未成縑分剪尺妾身爭得一絲來

魚

時賢

鰕魚

葉豈潛

魚翁今度筇笻富政是桃花水膩時網得文鱗如墨錦

貫來楊柳是金絲

海錯

時賢

煮

劉吉

八珍一筋千金價往往精庖賤惠文莫道形模大剛拙
剖珠也解獻殷勤

烏賊

削玉肌膚縮帶囊荻芽肥節落潮鄉謝家池墨流歸海
染得魚腥一種腸

食蟹

稻熟水波老雙螯已上曾味尤堪薦酒香美最宜橙殼

薄膩脂染膏腴琥珀凝情知烹鼎鑊何似莫橫行

分門纂類唐宋時賢千家詩選卷第二十

乙丑十一月二十六日午刻校畢

棟京藏本丙戌九月
重刻于揚州博覽

分門纂類唐宋時賢千家詩選卷第二十一

後村先生編集

人品門

神仙

附 酒仙

神仙

呂洞賓

朝遊北海暮蒼梧袖裏青蛇膽氣麤
三入岳陽人不識
朗吟飛過洞庭湖

又

三千里外無家客七百年前雲外身
行滿蓬萊為別館

道成瓦礫是黃金待賓榼裏常存酒化藥爐中別有春
積德求師何患少由來天地不私親

又

得道來來相見難又聞東去幸仙壇杖頭春色一壺酒
頂上雲攢五岳冠飲酒龜兒人不識燒山符子鬼難看
先生去後應難老乞與貧儒換骨丹

又

韋七子

琴彈碧玉調爐養白朱砂解造逡巡酒能開頃刻花

又

韓湘

青山雲水窟此地是我家後夜流瓊液凌晨咀絳霞一
瓢藏世界三尺斬妖邪寶鼎存金虎元田養白鴉

神

陳圖南

華山高處是吾宮出即凌空跨曉風臺殿不將金鎖閉
來時自有白雲封

又

曾折松枝爲寶櫛又編栗葉作羅襦有時問著秦宮事
笑撚仙花望太虛

又

張天覺

土木形容殷七七水雲情性許閑閑身中火棗無人會
此藥元來便駐顏

又

丹砂九轉換神仙在在爲家處處天得句狂歌號萬籟

思杯爛醉竭千川風行俯視人如蟻雲臥閑消日似年
新有一封忠讜疏振衣擬奏玉爐前

又

一炷名香一卷經一輪明月一張琴回頭萬象皆賓客
細嚼南山北斗斟

又

寶劍揮時天地震金爐燒處鬼神驚丹砂九轉工夫就
詔我榮遷玉籍名

又

豈無鐵拐懸葫子亦有鍾離呂洞賓道與諸公都不信
後回休問邵真人

又

非利非名非有求浩然適興故來遊白雲出洞本無意
綠水逢坳且暫流道徑常關松月夜仙菴鎮鎖竹風秋
於今若有相嘲者拂袖長歌往十洲

又

沈庭瑞

名山相別後別後會難期金鼎銷紅日丹田老紫芝

又

伊用昌

花洞門前犬似雷聲流斷俗塵埃雨飛山脚毒龍走
月照松梢孤鶴回

又

誰人能識白元君上士由來盡見聞避世早空南火宅

植田高種北山雲雞能抱卵心常靜蟬到成形殼自分
學取大羅些子術免教松下作孤墳

酒仙

馬自然

昔日曾遊魏伯陽經時醉臥紫金牀東君過我多情懶
罰向人間作酒狂

神仙

墨客

肘傳丹篆千年術口誦黃庭兩卷經鶴觀古壇槐影裏
悄無人迹戶長扃

又

王迪

鼎烹玉兔山前藥花看金鰲背上春莫怪少年能決烈
藍田夫婦總登真

隱逸

附 隱居鑑湖

隱逸

唐求

不知名利苦念佛老岷峨補衲雲千片焚香篆一窠戀
山人事少憐客道心多日日齋鐘罷高懸瀘水羅

又

王鼎

卜舍枕前灘心寬道自安執杯山鳥唱曬藥野猿看石
縫橫琴筆槎根插釣竿不知陶靖節早晚入雲端

隱居鑑湖

方干

寒山歷鏡心此處是家林梁燕欺春醉閑猿學野吟雲
連平地起月向碧波沈由自聞鐘角棲身可在深

又

世人如不容我自縱疎慵
落葉憑風掃秋粳任水春花
朝連郭霧雪夜隔湖鐘
身在能無事頭宜白此峰

隱逸

鮑當

湖水春來綠山雲夏亦繁
何如隱君子長嘯掩柴門

又

唐詩作太
上隱者

李方叔

偶來松樹下高枕石頭眠
山中無曆日寒盡不知年

又

王祐

下瞰虛空臨絕頂上排雲霧倚山巔
四邊絕險無猿鳥獨臥雲深二十年

又

心意逍遙物莫知
山中山下路人稀
石間芒屨蒼苔跡
不是王喬即令威

又

黃中厚

宛宛溪流疊九灣
山間林下鳥關關
釣磯茶竈山中樂
大隱屏邊日月閑

又

陳搏

十年蹤跡走紅塵
回首青山入夢頻
紫陌縱榮爭及睡
朱門雖貴不如貧
愁聞劔戟扶危主
悶聽笙歌聒醉人
攜取舊書歸舊隱
野花啼鳥一般春

又

王伯大

曾向南昌覓隱仙
誰知結屋此山巔
讀書堂下三更月

燒藥爐中幾度煙，鸞影已隨天上去。虹光空眩世間傳，嫉邪一疏吾能抗。隱世高名媿獨賢。

又

白玉蟾

日高丈五尚酣眠，心下無愁不管天。野菽山肴酬白醕，乾柴淨米煮清泉。不須求仕如藏用，且自烹茶學玉川。時策短筇松竹下，清閑便是地行仙。

又

逸士幽居松竹林，小堂偃枕北山陰。夜深冷月寒蓬戶，曉起清風爽楮衾。把劍更餐杯內酒，收書微動壁頭琴。自從一見羲黃面，千古誰知養浩心。

又

趙仲白

落魄蕉衫戴道冠，菖蒲兩案浸青寒。有錢即買丹砂煉，無病猶將素問看。連日遊山僧共話，頻年乞米鶴同餐。世間不朽非鐘鼎，曾與高人靜處觀。

又

儲泳

盡日掩柴門，何人得見君。祇因喧寂異，似有聖凡分。瀑近夜疑雨，山深晴亦雲。傳聞九霄翮，落羽正紛紛。

又

劉後村

絕頂遙知有隱君，餐芝種朮鹿為羣。多應午竈茶煙起，山下看來是白雲。

又

宋謙父

五鼎生封事，不難此身當。與道相關天，高地下日易晚。

古往今來人少閑靖節早辭彭澤縣子陵終老富春山
當時若爲虛名起未必有名留世間

又

劉隨如

夫子生東野經年不到城愛吟無俗趣貪畫得閑名荒
徑侵山影虛堂出燕聲我慙爲謫吏泉石負幽情

又

戴石屏

滅性能安樂深居絕是非英雄行險道富貴隱危機紙
被如綿軟藜羹勝肉肥蒼苔滿山徑最喜客來移

又

道者日高臥清風隔世塵鳳麟不可見猿鳥自相親山
木輪囷古茶花冷淡春荒荒門外路常怕有來人

又

趙崇森

懶散數椽下於人無所求靜觀棊得趣閑坐石忘憂對
酒紅生頰孤吟白上頭高山有佳趣便欲作清遊

道士

附

煉丹

學道

讀道書

造籙

仙道

雲遊

贈孔道士

趙師秀

生來還姓孔何不戴儒冠詩好逢人誦琴清只自彈訪
師行道遠愛竹住菴寒見說丹爐內黃金化不難

煉丹

徐靈暉

曾學輕騰術長懷萬里心江湖雲似水巴廣石如林好
飲身常樂無言道更深丹砂能愈疾不用化黃金

道士

周謂

褚爲冠子布爲裳吞得丹霞壽最長
混俗性靈常樂道出塵風格早休糧
枕中經妙誰傳與肘後方新自寫將
百尺松梢幾飛步鶴棲枝上禮虛皇

又

劉後村

丫髻唐衣八尺長試看風骨已昂藏
丹成屢詫飛昇去客至多稱吐納忙
近習星文兼賣卜每尋洞穴不齋糧
或云曾與陳搏遇擬問先生乞睡方

學道

學道觀身等一漚肯將朝市換林丘
詩成紫氣毫端出藥熟紅雲鼎面浮
醉脫蓑衣騎犢去夢吹鐵笛跨鯨遊

人間濁惡明師少準擬休糧海上求

讀道書

綺語如霞欲抹天世間別有隱書傳
自燒松墨謄真語旋搗朱砂點內篇
狂髮棄官披道氅功成謁帝珥貂蟬
祖龍劉季真惆悵死向千年未得仙

又

絕頂來尋煉藥蹤老仙端的是吾宗
寄聲月白風清夜定許相逢第幾峰

又

潘紫巖

道人掃灑一間房紙帳梅花滋味長
清曉起來無箇事爐香端簡面虛皇

又

道人清曉炷爐薰
嵐重衣巾濕露痕
課罷楞嚴經一卷
小窗徙倚候啼猿

道士造籙

不見東山謝紫虛
時時獨自撚吟鬚
常凭香案監抄籙
時點朱砂爲訂符
日裏慣曾參寶語
夜深夢必入清都
此心却恐多君事
廢了工夫火一銖

仙道

白玉蟾十首

鶴髭鵲眼兩顏酡
走遍江湖所得多
脚踏雲車朝帝極
手持斗柄履天河
劒尖指處乾坤暗
丹篆時書鬼魅號
名滿四方今老矣
請歸天府領西曹

丹詩

太乙壇前偃月爐
不知柴炭久吹嘘
金翁跨虎歸瑤闕
姹女騎龍到雪壺
採得三斤寒酒玉
煉成一顆夜明珠
從茲只用抽添法
產箇嬰兒一似渠

採藥

五蘊山頭多白雲
白雲深處藥苗芬
威音王佛隨時種
元始天尊下手耘
石女騎龍攀雨木
木人騎虎摘霜芸
不論貧富家家有
採得歸來各一斤

爐鼎

須信先天事事無
陰陽陶鑄此形模
真空平等硃砂鼎
虛徹靈通偃月爐
九竅可風壇墀肅
一時失火藥材枯

只茲一點無明焰煉出人間大丈夫

火候

無位真人煉大丹倚空長劍迫人寒玉爐火煨天尊膽
金鼎湯煎佛祖肝百刻寒溫忙裏準六爻文武靜中看
有人要問真爐鼎豈離而今赤肉團

沐浴

藥爐丹鼎火炎炎六賊三尸怕令嚴無去無來無進退
不增不減不抽添愛湖浪靜浮朱雀覺海波深浸白蟾
一自浴丹歸密室太陽門下水明簾

溫養

金翁姹女結親姻洞口桃花日日春拾得一輪天上月

煉成百劫屋中珍黃婆即是母之母赤子乃其身外身
龍漢元年消息斷威音前面更何人

脫胎

青天白日一聲雷撒手懸崖了聖胎有眼如盲光爍爍
無繩似縛笑哈哈黃金殿下千株柳碧玉堂前萬樹梅
辜負鴛幃人寂寞秦樓宴罷盍歸來

金丹

佛與衆生共一家一毫頭上現河沙九還七返魚游水
四諦三空兔入置混沌何年曾結子虛空昨夜復生芽
阿誰鼎內尋丹藥枯木巖前月影斜

又

陳敬叟

鳳簫一去幾經年古木青蘿鎖洞天
點鬼不量曾竊藥
真人豈礙作飛仙細看丹竈凝煙地
知有清朝應世賢
欲下蒼崖却回首何時著我弄雲泉

道士雲遊

劉仙倫

少干施主少抄題野鶴孤雲自在飛
好水好山須歇脚
莫教塵土污霞衣

分門纂類唐宋時賢千家詩選卷第二十一

棟宇藏由丙戌九月
重刻于揚州博覽

分門纂類唐宋時賢千家詩選卷第二十二

後村先生編集

人品門

僧附老僧

僧

杜牧

香爐峰色隱晴湖種杏仙家近白榆
飛錫去年啼邑子
獻花何日許門徒

又

賈島

瓶殘秦地水錫入晉山雲秋月離喧見寒泉入定聞

又

盡日忘機到何年獨此林客歸唯鶴伴人少似師心坐石落松子禪牀搖竹陰山靈怕驚定不遣夜猿吟

薛能

又

塵機息盡一真僧唯有林泉捨未能蓮社故人今暫別稽山舊隱與誰登時清豈覺前遊改道勝寧辭白髮增遙羨高齋吟望處孤雲野鶴是親朋

徐騎省

老僧

薛能

清瘦形容八十餘匏懸籬落似村居勸師莫羨人間有幸是元無免破除

又

劉長卿

秋草黃花覆古阡隔林何處起人煙山僧獨在山中老惟有寒松見少年

僧

趙師秀

開扉在石層盡日少人登一鳥過寒木數花挂古藤茗煎冰下水香炷佛前燈吾本逃名者何因似此僧

又

蘇東坡

一鉢即生涯隨緣度歲華是山皆有寺何處不為家笠重吳山雪鞋香楚地花他年訪禪室寧憚路岐賒

又

曾茶山

頭白高僧心已灰石菖蒲長水蕉開莊嚴無事爐煙起不用關防俗子來

術士

附 醫士 卜士
相士 星學

李術士善醫卜

劉後村

西漢君平莫是渠蕭然閉肆或旬餘青囊繫肘藏仙訣
黑子如毛錄讖書屢倩揲著爻每驗近聞咒棗病皆除
閑時更取離騷看怕有靈均就卜居

醫士

潘紫巖

聞君妙得醫王訣我病勞君指下求天與一般愚直性
不知何劑可能瘳

相士

女媧搏土費工夫箇箇生來箇箇麤有底終須還富貴

無時換不得頭顱若還非我安知我莫道今吾非故吾
也要終南分一半麻衣還肯點頭無

又

許負遺書果是非子憑何處說精微使君未必如柳大
丞相元來要瓠肥袖闊日常籠短刺肩寒春未換單衣
半頭布袋挑詩卷也道遊方賣術歸

贈相士

王君謨

江南橋上相逢處笑我而今似俗人要識本來真面目
秋風天地一吟身

又

曾幼度

舌端偷得不傳機說破人生不載疑造物密教傳寫信

秋風已爲長蟾枝平時拍手倘來話今日回頭真箇奇
除却唐朝袁與李問君此外更饒誰

贈鬼眼相士

白玉蟾

看峰肩井額坡陀此相曾經鬼眼過知有命存聊爾耳
謂無天定盍如何十常九事不如意二滿三停屬甚科
佛說我身周法界恐君莫是爍迦羅

贈五星劉鐵面

王臞軒

劉君腹貯一天星搜索真機泣六丁少可舌端無軟語
祕傳肘後有全經話盈在昔疑猶夢詩識如今果有靈
我亦正爲貧作崇雙眸贏得一番身

醫兼畫

趙福元

從來藝事兩難精今日逢君喜且驚不待折肱醫始悟
直須點目畫方成

農

附 老農 豐年 勸農

老農

盧 綸

雙膝過頤頂在肩四鄰知姓不知年臥駘烏雀惜禾黍
猶恐諸孫無社錢

豐年

趙信菴

一犁春雨足生涯黍稷桑麻已滿畝只願今年風景好
村村社酒樂農家

勸農

真西山

田裏工夫著得勤翻犁須熟糞須勻插秧定要當時節
趁取陽和三月春

又

聞說陂塘處處多併工修築莫蹉跎十分積取盈堤水
六月驕陽柰汝何

又

田家拚取一春忙男力菑畚女課桑隴上黃雲機上雪
暫時辛苦樂時長

農家

戴石屏

郭外生涯少城中糴米歸種花無處賣挑菜入籃稀風
憾傾欵屋寒生襤褸衣此翁何所樂談笑傲輕肥

豐年

連歲遭飢饉人無糴米錢今秋好行路到處說豐年村
酒新篘熟溪魚出網鮮黃花留客醉況近竹林邊

又

真西山

萬字新歌大有年又看瑞雪璨瓊田太平和氣隨春轉
米斗從今三四錢

漁父

漁父

胡曾

不媿人間萬戶侯子孫相繼老扁舟往來南越諸蛟室
生長東吳識蜃樓自為釣竿能遣悶不因萱草解消憂

羨君獨得逃名趣身外無機任白頭

又

李夢符

村寺鐘聲度遠灘半輪殘月落前山徐徐撥櫂歸灣去
浪疊朝霞繡錦翻

又

陸龜蒙

一艇輕擘看晚濤接離拋下漉春醪相逢便倚蒹葭浦
更唱菱歌擘蟹螯

又

雨後沙虛古岸崩魚梁移入亂雲層歸時月墮汀洲暗
認得妻兒結網燈

又

司馬光

楚岸蓼花香扁舟泛渺茫短蓑衝密雨素髮淨秋霜煙
外鳴榔遠波間擲線長無人識名姓擊櫂入滄浪

又

翁元廣

吳江楓落荻花秋漁子飄然一葉舟柔櫓數聲沈晚浦
寒燈幾點泊蒼洲瀟瀟細雨蓬初閉漠漠輕煙網乍收
何日功名如范蠡五湖風雨伴沙鷗

又

王珪

急景易如流水去浮名終與白雲空何如幾曲秋溪上
醉泛一舟煙雨中

又

新嬾低頭眉黛愁驚魚錯認月沈鉤青蒨笠前無箇事

綠蓑衣底一時休

又

方惟深

一葉生涯逐浪流悠悠生事共萍浮
蓑披殘雪湘江晚
鉤拂紅塵渭水秋
買酒解衣楊柳岸
得魚吹火荻蘆洲
興闌却返扁舟去
半掩柴門古渡頭

又

許彥國

榮辱從來總不知
幾間茅屋對漁磯
江鷗散處夜無伴
荷葉老時秋有衣

又

徐靈暉

阿翁年紀老生計在綸絲野水無人占
扁舟逐處移數
鱗新柳串一笛
小兒吹有酒全家醉
公卿要識誰

又

翁元廣

蓬弱鳴春雨帆蒲挂暮煙賣魚尋近市
覓火就鄰船

漁父

呂仲明

萬頃江天一葉舟
桃花春水蓼花秋
翛然白鳥蒼煙外
只有漁翁得自由

又

潘紫巖

小舟真箇白鷗輕
一一鳴榔作陣行
打得鮮鱗歸去早
蓼花深處賣魚羹

又

生來一舸鎮隨身
柳月蘆風處處春
翁自醉眠魚自樂
無心重理舊絲綸

又

竹裏茅茨傍小溪
粼粼白石護漁磯
想應日日來垂釣
石上蓑衣不帶歸

游子明

又

披却蓑衣翁自漁
青荷包飯柳穿魚
時歸坐在短篷底
白占一溪雲水居

鄭夢周

樵夫

樵父

歐陽修

雲際依依認舊林
斷崖荒磴路難尋
西山望見朝來雨
南澗歸時渡處深

又

酸澀澗邊果青紅
巖際花貪隨狙狃
去風雨未還家

陸放翁

又

去去穿白雲
落葉無行路
但聞丁丁聲
知是束薪處

牧童

牧童

鍾弱翁

草鋪黃野六七里
笛弄晚風三兩聲
歸來飽食黃昏後
不脫蓑衣臥月明

分門纂類唐宋時賢千家詩選卷第二十二

棟亭藏本丙戌九月
重刻于揚州博覽



